



Timo Lavikainen, Jussi Vatanen. Govva: Yellow Film & TV.

JORGALEADDJI
Maaren Palismaa

Polárgierddu sámgárat bohtet ruovttoluotta davás

Anssi Tapio

Gal dat lei veahá dego livččii ruoktot bohtán, govvida neavttár Jussi Vatanen Napapiirin sankarit 2 –filmma filbmeniid Kolaris ja Ylläsis mannan čavčča.

Menestusfilmma joatkkaosasi filbmejuvvui borge-golgotmánus earret eará Kolari girkogilis, mii muittuha Vatasá iežas ruovttuovllu Ylä-Savo, Sukevas.

– Dakkár unna gilážat ja gávpogačathan leat gal oalle ovttaláganat juohke sajis, oalle universálat. Dan dáfus lei álki vuogáiduvvat.

Muđuinai lappiláš dievddu neaktin manai oalle bures, vaikko suopmana šattaige veahá muittohallat.

Mannan čavčča filbmen-

joavkkus lei mielde iežas suopmanáššedovdi, go jietnajoavkku mielde lei ylläsjárviláš Jorma Kaulanen. Son iežas barggu lassin muitalii neavttáriidda rievttis h-saji suopmanis lea ja rievttis deattu sániin.

– "Ii dat nie daddjo". Jompe ain divostii ja doaimmai diehtobánkun neavttáriidda. Ná, dál goit sáhtán su sivahallat loahppabohtosis, go sonhan oinnii juohke govvema moadde mehtera duohken, boagusta Vatanen.

Kolari lassin filbmejedje maid Ylläsis ja Levis čábbámus ruškki áigge.

– Lappi luondu lea gal čakčat nu čábbát, fiinna ivnit. Iešalddes ii leat ollen-

ge jierpmálaš mannat filbmet čakčat Lappii filmma, man sisdoallu dáhpáhuvvá ovttá jándoris. Lappis sáhtttá čakčat juogo arvit dehe borgat goas fal. Muhto mis lei hui lihkku dálki dáfus, dušše moadde oasi šattaimet filbmet oddasit borgga dihte.

Neavttáriin lei hui hoahpu eaije astan – dehe veadjänge-ruškkiis návddašit. Guhkes bargobeavvit nohke muhtumin easkka gaskaija áigge.

Ylläs ja earenoamážit Äkäslompola lea goittotge váldán saji Vatasá váimmus.

– Äkäslompola lea munnje dat somámus báiki, gilli doppe duoddariid gaskkas.

Filbmemiid loahppabohtosisii

Vatanen lea hui duhtavaš.

– Mu mielas lea dat buoret go vuosttaš. Mii vulggiimet dahkat buoret ja somát filmma, mas lea eambo leaktu ja mii guoskkahivččii olbmuid eambo, iihan dat muđui leat makkárga jierpmi dahkat nuppi oasi.

Napapiirin sankarit 2:žis vuosttaš oasi ovdeš skihpárat deaivvadit fas. Ja fearánhan das šaddá.

Ruškki áigge Vatanen beassá bohtit fas davás, go Kino Ylläsis borgemánus loahpas lea Napapiirin sankarit 2:ža vuosttaščájáhus.

Vatanen ieš lea gal filmma juo oaidnán.

– Inhan mun máššan čakčii vuordit, Vatanen bogostallá. ●